

Un persona herida den accident serio na Tanki Flip



ORANJESTAD (AAN): Diahuebs algo prome cu 12'or di merdia a sosode un accidente di trafico serio riba caminda di Tanki Flip pa Cunucu Abao, un tiki pabou di Kazerne di Brandweer.

Central di Polis a ricibi numeroso yamada, y mesora a dirigi patruyanan di Polis di Noord na e lugar. Diferente otro unidad mas a bay pa cera e caminda.

E unidatnan cu a yega prome a bin haya e situacion cu un auto Nissan March y un van Hyundai H1 a dal den otro, y keda basta kibra. E van mes a wordo haya den greppel pazuid di caminda.

Testigonan a splica Polis cu e Nissan March color preto cu number A-25770 tabata bayendo pabao, y a bay tuma un birada pa su man robet of haci birada-U net banda di Kazerne. El a haci esey, siendo cu di direccion contrario tin un Hyundai H1 colo shinishi cu number A-62626 cu ta pertenece na compania di Auto Parts.

Nan a dal den otro den un impacto violento, y chauffeur di e Van a bay finaliza den e greppel.

Ambulance a wordo pidi, debi cu chauffeur di e March cu ta un dama a resulta herida. Paramediconan cu a yega a hibe Servicio di Emergencia na Hospital pa mas observacion. Polis mester a bari y kita varios pisa di auto cu a keda gespat riba e caminda, incluyendo e wiel dilanti banda robet di e Nissan March cu a kita completamente.

Sentencia impactante den Caso Avestruz

Benny Sevinger condena pa paga mas cu 840 mil Florin

- Si e no por paga e lo tin di bay 900 dia den Prison
- Hues rechaza defensa di e ex-Ministro

Mira muchanan di kleuter haci Kids Athletics

Awe Diabierna tin apertura di Weganan Escolar

ORANJESTAD (AAN): E dianan a yega! Muchanan di scol ta cla pa bay bataya den deporte pa mira cual ta bay bira e ganaadnan maximo.

Awe Diabierna 4 di April 2025, tin e apertura oficial di Weganan Escolar di e aña aki, conoci como "WE 2025".

Apertura oficial awe: Willem Erasmus kende ta relacionista publico di Instituto IBiSA, a indica cu esaki lo cuminsa awe Diabierna pa 5:00 pm riba tereno di Centro Deportivo Frans Figaroa na Noord. Despues di esey evento di Kids Athletics mes lo start pa 5:40 pm y sigui te cu 7:00 pm.

E scolnan cu lo participa den Kids Athletics e prome atardi pa anochi lo ta Arco Iris School, Prinses Amalia Basisschool, Scol Preparatorio Washington, Imelda Kleuterschool, Prome Paso Kleuterschool, Rayo di Solo, Mon Plaisir Kleuterschool, y Scol Preparatorio Nos Paraiso.

Erasmus a indica durante un conferencia di prensa, cu WE 2025 lo ta di 4 di April te cu 16 di April 2025, pues dos siman continuo di actividad. Tin algun dia cu tin 2 deporte tambe.

El a splica cu orguyosamente IBiSA ta divulga cu e biaha aki WE 2025 lo tin total di 1.300 alumno di scol participando. Pa seccion di



Scol Preparatorio tin dos disciplina di deporte, esta 'Kids Athletics' y 'Futbol'. Pa seccion di Scol Basico lo tin cuatro disciplina di deporte, esta 'Futbol', 'Volleyball', 'Landedamento', y 'WE Mente'. Pa Scol Secundario tin dos disciplina di deporte, esta 'Volleyball' y 'Futbol'.

Erasmus a indica cu e prome atardi mes tin competencia di "Kids Athletics", y ta algo hopi leuk pa mira e muchanan chikito aki participa den competenciaan di Sprint Hurdles, Formula 1, Speed Leader, Cross Hopping, Beanball Throw, Knee Throw, y Endurance.

Preparando e Final: Segun esnan di IBiSA, e ultimo actividad lo ta dia 16 di April 2025, cu ta na Compleho



Deportivo Frans Figaroa cu yama "WE Mente". Lo bay tin esaki, y na final di dia lo tin entrega di premio pa Docenten di Aña, Scolnan di Aña, MVP di WE 2025.

E parti aki lo pasa live via Streaming Online. Lo tin diferente premio pa Weganan Escolar, a base di 'ranking'. Lo saca premionan pa 1er lugar, di dos lugar, y di tres lugar pa tanto categoria di Kleuterschool, Scol Basico, y Scol Avanza.

Hues ta rechasa peticion di Ducapro contra Q-Waves/Hits100FM

ORANJESTAD (AAN): Riba 2 april 2025 Hues a dicta sentencia den e caso cu Ducapro a entama contra Q-Waves/Hits100FM.

Den e caso aki e Fundacion Ducapro a pidi Hues pa prohibi Q-Waves/Hits100FM toca musica den aire di artista of autor representa pa Ducapro y a demanda pago di AWG.250,-- pa cada biaha cu Q-Waves/Hits100FM actua en contra di e prohibicion. Despues di e tratamiento di e caso, Ducapro a expande nan peticion y a demanda pa duna Q-Waves/Hits100FM permiso pa toca musica den aire di artista y of autor representa pa Ducapro bao condicion cu Q-Waves/Hits100FM ta paga Ducapro un percentahe di locual nan ta genera.

No ta den discusion cu Q-Waves/Hits100FM ta haci uzo di musica cual artista y of autor tin derechon riba

dje. Partidonan ta compronde cu un pago na e artista of autor pa toca e musica den aire ta na su lugar.

Sinembargo ta un echo cu Radio Emisoranan na Aruba ta haci uzo di e musica di artistanan of autor ya for di hopi tempo y e peticion di Ducapro ta un medida hopi drastico cu no por wordo aplica sin mas.

Na fin di aña 2023 Ducapro a acerca Q-Waves/Hits100FM cu e mensahe cu nan mester cuminsa paga pa haci uzo di musica cual artista y of autor nan tin derecho riba dje. Desde e tempo ey partidonan a drenta den discucion tocante, entre otro, e suma rasonabel pa cu esaki. Partidonan no ta comparti e mesun opinion tocante e factornan economico di e mercado local cu mester tuma den consideracion y ademas Q-Waves/Hits100FM no ta comodo compartiendo nan



informacion financiero y administrativo cu Ducapro sin regulacion of siguransa di confidencialidad.

Hues ta opina cu e obhecionan aki di Q-Waves/Hits100FM no ta irasonabel, en especial considerando cu Ducapro ta unilateralmente demanda pago sin tene cuenta cu e circunstancianan local y sin base den ley local.

Un prohibicion pa toca musica tin consecuencia severo pa Q-Waves/Hits100-FM como radio emisora. Considerando e tempo limita bao cual partidonan tawata den discusion, Hues ta haya e peticion mucho drastico. Ademas tin varios otro radio emisora cu tambe ta haci uzo di musica cual artista y of autor tin derecho riba dje y cu tampoco no ta paga p'e.

Pa locual cu ta trata e demanda adicional di Ducapro pa Q-Waves/Hits100-FM paga un percentahe di locual nan ta genera na Ducapro, Hues ta opina cu no ta na su luga den un tratamiento sumario manera esun aki. Pa

defini e ganashi di un emisora y determina e percentahe rasonabel partidonan lo mester acudi na un experto. Hues mientrastanto no tin niun motibo pa stipula un suma cu den su opinion ta rasonabel pa Q-waves/Hits100FM paga na Ducapro.

Pa e motibo aki Hues a nenga e peticion di Ducapro y ta determina cu Ducapro mester paga e gasto legal di Q-Waves/Hits100FM.

Sr. Aldrich Croes Director di Q-Waves-Hits100-FM a keda satisfecho cu e sentencia di Hues y a gradici abogado Gabriela Sjiem Fat pa defende nan den e caso.

Parlamentario Hendrik Tevreden:

Gobierno ta limita recursonan pa FCCA traha vivienda social

ORANJESTAD (AAN): Parlamentario Hendrik Tevreden di Fraccion di MEP ta indica cu porfin tin presupuesto, algo cu Gerlien ta tin secuestra desde final di december 2024. Nos mester a warda pa nan a vota pa Marlon Sneek por a bira presidente y pa asina e yama e reunion ey diabierna siman pasa. Apesar cu e presupuesto a wordo aproba unanimamente mi tin preocupacion tocante e recorte cu Geoffrey Wever a implementa. Minister Geoffrey Wever tawata na altura cu gobierno anterior a laga tur cos cla pa yuda FCCA. Pero cu Mike na cabes awor hunto nan a scoge pa kita 20 miyon florin destina pa construccion di cas social. Kiermen tur e plan pa traha mas cas, awor lo ta sigur te otro aña. Kisas!

Huur di casnan social por bay bira mas caro

F C C A ta traha su placa pa sigui duna huur atractivo na ciudadanonan atraves di subsidio di gobierno y e casnan cu nan por huur o bende. Si FCCA no por



haya ayudo di Gobierno manera esaki, nan prijsnan lo aumenta mas, nan lo traha menos cas, y esnan cu ta na huur lo por bira mas caro. Porta cu loke gobierno Eman-Wever-Croes a haci aki lo bay afecta e estabilidad di huur pa e famianan cu ta biba den cas di FCCA.

Nos ta sigui ta atento

Di parti di Fraccion di MEP nos a tuma contacto cu FCCA y mas cu claro nan no ta contento cu e decision aki. Fraccion di MEP lo sigui ta skerpi, sigui haci pregunta, informa comunidad, tene contacto cu pueblo y tambe keda den contacto cu departamento y fundacionnan. Sigur e no por keda asina aki!

LUNA DI LOCURA!

CUMpra 2 LOTTO 5 Y HAY 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS! MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 1 TE CU 30 DI APRIL

Pa mas informacion bishita lottoaruba.com of yama Lotto na 525-7555 of bishita nos oficina situa na Paardenbaaistraat #10, Oranjestad.

www.lottoaruba.com



Sentencia impactante den Caso Avestruz

Benny Sevinger condena pa paga mas cu 840 mil Florin

• Si e no por paga e lo tin di bay 900 dia den Prison

• Hues rechaza defensa di e ex-Ministro

ORANJESTAD (AAN): Diahuebs mainta, Hues di Corte den Promer Instancia a bisa cu Benny Sevinger ta culpabel di malversacion di 840.051,91 Florin y cu e mester paga esaki back na Gobierno. Si Sevinger no paga, e lo mester bay 900 dia cera.

Hues a rechaza defensa: Benny Sevinger a presenta den Corte di Husticia pa scucha su sentencia, hunto cu abogado mr. D. Kock. Hues den su sentencia a bisa cu Fiscal a pidi pa trata e caso mientras cu abogado mr. D. Kock ta haya cu segun ley, no por bay condena Benny Sevinger, tanten cu no tin sen-

tencia definitivo di Corte Supremo. El a pidi Hues pa warda te ora tin un decision di Corte Supremo.

Hues a bisa cu Corte Superior riba 12 Juli 2024, a haya ex minister Benny Sevinger, cu a apela su condena den caso Avestruz, culpabel y a conden'e na 48 luna di prison, ademas a kita e derecho pa e ta un ambtenaar. Hues a mostra cu contrario na mr. Kock, jurisprudencia di Corte Supremo ta mostra, cu ley ta permiti cu mientras cu ta warda riba e decision di Corte Supremo, por tuma decision riba e caso di kita propiedadnan. Hues a rechaza e defensa di mr. Kock.




Hues a reduci suma exige pa Fiscal: Ta asina cu durante tratamiento di e caso di kita propiedad di Benny Sevinger, Fiscal a exige pa

Benny paga mas di 191 mil Florin y si Benny no paga e lo mester bay 3 aña sera den prison. Fiscal ta haya Benny culpabel di mal-

versacion di placa. Ayera mainta Hues a bisa cu el a bay evalua tur e calculacionnan haci y ta yega na un otro conclusion cu Fiscal. Envez di 910 mil Florin, Hues ta yega na 840.051,91 Florin.

Of ta bay 900 dia encarcela: Hues a bisa cu e ta comparti punto di bista di Fiscal den gran parti. Por a nota cu e decision di Hues ta mas abao cu loke Fiscal a exige. Hues a condena Benny Sevinger na paga 840.051,91 Florin na Gobierno. Hues a sigui bisa cu si Benny Sevinger no paga, e lo mester bay 900 dia sera den prison.

Otro siman Secretario di Estado Szabó ta bishita Aruba y Curaçao



ORANJESTAD (AAN): For di Diamars 8 te cu Diabierna 11 di April, secretario di estado Zolt Szabó lo bishita Aruba y Curaçao. E bishita di trabao ta den cuadro di sera conoci cu e gobierno nobo di Aruba, e consulta di gobernadornan na Curaçao y hiba comber-

sacionnan tocante e temanan bon gobernacion y accion.

Bishita na Aruba: E bishita di trabao ta inicia riba diamars 8 di april na Aruba. Szabó ta topa cu entre otro e ministernan di e gabinete nobo, bou di guia di Mike Eman, cu recientemente a tuma

asiento. Banda di un combersacion cu e team di minister nobo, e minister Hulandes ta papia cu miembronan di parlamento di Aruba.

E bishita na Aruba ta den cuadro tambe di bon gobernacion. Asina señor Szabo lo atende un charla di Mieke Droog, director di programa di e instituto Arubiano pa gobernacion y liderazgo na Universidad di Aruba. Na e campus e ta participa na un sesion di pregunta interactivo cu studiantenan.

Para economicamente riba propio pia ta, banda di bon gobernacion y finansa solido, un di e puntonan di lansa di Szabó. P'esey e ta haci apertura di e sucursal nobo di e compania di instalacion tecnico Pro-Tec na Aruba. Recientemente e compania a ser cumpra pa e compania Hulandes Van Dorp y ta specialisa den friamento di edificionan haciendo uzo di

awa di lama.

Bishita na Curaçao: Na Curaçao e secretario di estado ta participa riba 9 april na e prome consulta di gobernadornan di e aña aki. E consulta bienal aki cu e gobernadornan di Curaçao, Aruba y Sint Maarten ta tuma luga, beurt pa beurt, na Hulanda of na un di e paisnan Caribense.

Na Curaçao Szabó ta papia cu entre otro prome minister Gilmar 'Pik' Pisas y ta topa representantenan di 'Curaçao Transparente'. E fundacion aki ta ocupa su mes cu prevencion y combatiendo di comportacion no-integro y corrupcion na Curaçao.

Riba diahueps 10 april Szabó ta papia cu Anouschka Cova, director di Curaçao Hospitality and Tourism Association (CHATA) y cu Miles Mercera, director di CINEX, Curaçao Investment & Export Promotion Agency. Ambos


combersacion ta bay tocante desaroyo economico riba e isla.

Na consulado Mericano na Willemstad Szabó tin un encuentro cu e Consul General nobo, Ramon Negrón. Den cuadro di bon gobernacion y con pa atende cu minamento (ondermijning), Szabó ta papia entre otro cu Recherche Samenwerkingsteam (RST) y Procurador General Guillano Schoop. Riba diabierna 11 di april, señor Szabó, hunto cu e minister di Finansa di Curaçao, señor Silvana, lo bishita douane na waf di Curaçao. Despues di esey, na Aeropuerto Hato representantenan di Koninklijke Marechaussee lo informa señor Szabó tocante control di frontera.

Finalmente, e secretario di estado lo participa na un parti di e reunion di consulta di e gezaghebbers di Bonaire, Sint Eustatius y Saba cu ta tuma luga na Curaçao.



Awo cu 2 florin mas, bo por gana e **MEGA PLUS**
*** Afl. 500.000,-**
*** Afl. 340.000,- + Afl. 160.000,-**
extra



HUNGA AWO



Benta ta sera 7:30 pm y sorteo ta hunga 7:45 pm

Fraccion di MEP lo sigui traha y bringa pa Fundacion Respetami haya nan fondo adicional



ORANJESTAD (AAN): Diahuebs mainta Parlamentario Evelyn Wever-Croes hunto cu Parlamentario Rocco Tjon a bishita Fundacion Respetami cu ta e fundacion cu ta traha riba prevencion di abuso di mucha.

Parlamentario Wever-Croes a indica cu durante gobernacion di Gabinete Wever-Croes II, e tema di abuso sexual contra nos muchanan tabata uno di gran prioridad. Pa e motibo aki Gobierno anterior a entrega un mocion den Parlamento pidiendo fondo adicional pa dicho fundacion. Lamentablemente esaki no a worde duna.

Segun Parlamentario Wever-Croes, si Gobierno kier traha na bienestar di pais Aruba, ta importante pa nan sigui enfoca riba prevencion di abuso contra

nos muchanan. Esaki ta e motibo principal pakico Gobierno anterior a bin cu e mocion aki.

E modelo di turismo a worde cambia y ta bisa "Aruba One Happy Island" pero si nos kier crea di berdad un isla feliz, nos mester cuminsa percura pa e isla ta feliz pa su ciudadanonan. Paso un isla cu a dushi pa biba riba dj'e ta un isla dushi pa bishita. Esaki ta e meta y ta esaki nos mester sigui traha riba dj'e.

"Gabinete Wever-Croes II a crea un espacio financiero di 500 milyon Florin cu e speranza cu e Gobierno actual inverti den e capital humano di pais Aruba, paso asina so lo por papia di progreso y bienestar. Cu e informacion colecta den e reunion cu Fundacion Respetami, fraccion di MEP lo



sigui traha y bringa pa e fundacion haya su fondo adicional pa asina por sigui traha na prevencion di abuso contra nos muchanan" Parlamentario Wever-Croes a expresa.



TRABOU DI MANTENCION DEN TRANSFORMATORSHUIZEN NA ORANJESTAD
 Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diamars, 8 di april 2025
8:30 AM te cu 3:30 PM

Den vecindario di:

- Avicennastraat (un parti)
- Curriestraat (un parti)
- De La Sallestraat (un parti)
- Imelda Kleuterschool
- Arco Iris Kleuterschool
- Dominicansenstraat (un parti)
- Flemmingstraat (un parti)
- Hospitaalstraat
- Sividivi
- Van Deventerstraat (un parti)
- Van Leeuwenhoekstraat (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.



04 - 10 apr '25

DRY

Weekly Special

SUPER Do it Center®

GOODBURRY CONDENSED MILK SWEETENED 397GR



Everyday Low Price

f Price. **3.79** EACH

KELLOGGS CORN FLAKES 12OZ



Normal Price f16.59
Get Discount f1.70

f Price. **14.89** EACH

BRUNSWICK SPICY THAI CHILI TUNA 85GR



Everyday Low Price

f Price. **3.59** EACH

LIPTON CUP A SOUP CHICKEN NOODLE 4PK



Normal Price f4.89
Get Discount f0.80

f Price. **4.09** EACH

NUTELLA LARGE 750/825GR 26.5OZ



Normal Price f19.99
Get Discount f3.00

f Price. **16.99** EACH

ALASKA EVAPORATED MILK 410GR



Everyday Low Price

f Price. **3.19** EACH

DISICLIN 1GAL ASSRT CLEANER



Normal Price f18.69
Get Discount f0.70

f Price. **17.99** EACH

ALL RON TROPICAL 1L



Everyday Low Price

f Price. **38.99** EACH

ALL SANTA RITA TRES MEDALLAS 750ML



Everyday Low Price

f Price. **13.99**

SKIP THE LINE
BAN
ONLINE
Y GANA AFL. 250
TUR LUNA!*



*Pa mas informacion bishita www.setar.aw/disclaimer



Gobierno nobo a elimina e subsidio pa FCCA

Eliminacion di e subsidio pa FCCA lo causa un aumento den e prijs di huur di casnan social

ORANJESTAD (AAN): Manera ta conoci diabierna ultimo, Gabinete Wever-Croes II a haci traspaso oficial na e gobierno nobo di AVP-FUTURO. Despues di e huramentacion e gobierno nobo a bay Parlamento pa asina trata presupuesto 2025 cu a ser traha pa Gabinete Wever-Croes II. E presupuesto a ser adaptado pa e gobierno nobo cu algun medida cu lo tin resultadonan hopi negativo pa esnan mas vulnerabel den comunidad.

Parlamentario Evelyn Wever-Croes a indica cu un di e cambianan cu e gobierno nobo a haci riba e presupuesto tin e hopi preocupa. Esaki ta e eliminacion di e subsidio di un poco mas di 2 milyon florin cu e gobierno anterior a duna FCCA pa asina mantene e prijsnan di huur di cas social abou.

FCCA ta e fundacion cu ta construi casnan social, y ta na unda tur esnan cu ta den necesidad pa un cas por yega

aplica pa wak si nan ta bin na remarke. Una bes nan bin na remarke pa un cas, lo wak nan entrada y basa riba esaki, gobierno ta duna un subsidio riba e prijs di huur. Lamentablemente, FCCA a acerca e gobierno anterior indicando di no por sigui mantene e prijs di huurnan abou, y a pidi gobierno pa aumenta e subsidio aki. Esaki ta e 2 milyon y pico cu e gobierno anterior a inclui den presupuesto 2025, cu awor e gobierno nobo di AVP-FUTURO a elimina.

Parlamentario Wever-Croes a expresa di ta sumamente preocupa cu e decision aki di elimina e subsidio pa FCCA, mirando cu debi na esaki, e prijs di huur di casnan social lo bay subi. E gobierno di AVP-FUTURO a papia hopi di yuda esnan mas vulnerabel den comunidad, pero nan accionnan ta varios medida contra esnan mas vulnerabel den comunidad.

"Mi ta lamenta e decision tuma aki, paso e placa tey,



nos gobierno a prepara tur cos y tin un surplus di 500 milyon. Mi no por comprende dicon nan lo elimina un gasto cu ta asina necesario pa esnan cu ta wardando riba un vivienda. Cada mama y tata tin derecho di tin un dak riba nan cabes pa nan por lanta nan famia. P'esey, nos a bin cu e decision di duna FCCA

un subsidio y awor e Gobierno nobo aki ta bin riba nan prome dia den gobernacion, y ta elimina esaki, creando mas problema pa viviendanan social na Aruba.

Fraccion di MEP no lo para keto y lo sigui busca solucion hunto cu FCCA, Parlamento y Gobierno pa e subsidio yega na FCCA pa asina nan por

mantene e prijsnan di huur abou. Si FCCA hay'e forsa pa subi e prijsnan di huur, esnan cu lo sufrir e consecuencianan aki ta esnan mas vulnerabel den nos comunidad. Comunidad completo por confia cu ami y mi fraccion lo sigui lucha pa e FCCA haya e subsidio aki" Parlamentario Wever-Croes a indica.



Fraccion di PPA ta boga pa documenta esnan trahando ilegal Fondonan proveniente mester bay directamente pa cuida nos frontera

ORANJESTAD (AAN): Den un amienda presenta pa fraccion di PPA den Parlamento, Otmar Oduber a boga, un biaha mas, pa un Pardon Regeling pa legalisa 10 mil persona indocumenta na Aruba. E personanan

aki ta forma parti di e forza laboral na Aruba pero no ta contribui na e diferente fondonan, manera tur otro trahador.

E ta propone pa bin cu un tipo di boet di mil Florin cu lo representa 10 mi-

yon Florin den un periodo di 3 luna, cual lo ta e termino cu e Pardon Regeling aki lo ta vigente. E suma aki, fraccion di PPA ta propone pa bay pa cuida di frontera directamente y evita cu hendenan por sigi yega Aruba den forma ilegal debi na e regeling aki. Cu e fondonan aki lo por percura pa tin personal, drones y ekiponan necesario pa para entrada di hendenan den forma ilegal via lama na nos isla.

Ta importante pa atende cu e situacion aki mas pronto cu ta possible pasobra e instancianan cu ta encarga cu esaki ta indica cu tur luna tin entre 4 pa 5 barco ta dreña, ya cu nan ta haya tur siman hende nobo. E urgencia ta mas grandi ainda, si tene na cuenta cu e ayudo cu e instancianan aki tabata haya for di gobierno Mericano a wordo corta. Esnan riba nos isla ya ta forma parti di e forza laboral pero no ta contribui na ningun instancia. Nos economia ya absorbe gran mayoria di esnan sin documento aki y nan tin unda pa biba y ta forma parti di e economia na un manera informal. Realidad ta cu ademas di esnan ya riba nos isla, ainda tin un necesidad grandi na mas trahador.

Hopi comerciante ta sufriendo y nos economia lo sinti e efectonan negativo di esaki si nos no actua awo. Claro ta e momento oportuno pa implementa un maneho adapta pa esnan cu ta bay wordo legaliza como tambe esnan cu lo mester bin ainda.

Ademas di cumpli cu e screening y documentonan rekeri, ta bon pa introduci exigencia y condicionnan manera cursonan di Papiamentu, Ingles y programanan di integracion manera entre otro un certification program.

“Aruba ta perdien-do pa aña rond di 26 miyon florin cu lo dreña den caha di AZV y rond di 37 miyon den caha di SVB, pa no papia mes di otro contribucionan cu no ta worde haci na e momentonan aki, mientras pa aña ta calcula cu Aruba ta perdiendo un minimo di 50 miyon cu nonta circula den nos economia”, asina Oduber a trece dilanti.

Expression of Interest Reconstruction of Slope at Port O'stad

Aruba Ports Authority N.V. (APA) invites interested and qualified contractors with experience in nautical and maritime projects to submit an Expression of Interest (EOI) for the purpose of determining their interest, capacity and expertise to undertake services of upcoming projects in the maritime sector. The project entails the maintenance and/or (re)construction of a slope (talud) at Port Oranjestad. The purpose of the EOI is to identify construction companies that wish to participate in a forthcoming solicitation process. This EOI does not constitute a formal solicitation for bids, nor does it obligate APA to proceed with any contractual arrangements. Any requests for proposals (RFPs) will be issued separately.

Project Overview

In general terms the project entails the reconstruction of the Slope at Basins between Quay E & F, Quay G & H and area west of Quay I.

Works include:

- The construction of steel sheet pile walls with the use of appropriate machinery and equipment to execute the tasks efficiently and safely,
- Securely install brickworks or stones behind the steel sheet pile wall (to the north) as per the design specifications,
- Proper disposal of all waste material in compliance with local safety and environmental standards.

Contractor Requirements:

To be considered, contractors must have the following qualifications:

- Proven experience in maritime construction and/or nautical-related projects and steel piling field.
- Adequate workforce and equipment capacity to handle large-scale projects.
- Compliance with all local, regional, and international maritime safety standards and environment regulations.
- Strong project management skills with a demonstrated ability to meet deadlines and budget constraints.
- Previous successful partnerships or collaborations in the maritime industry are preferred.

Submission Requirements:

Interested contractors are requested to submit the following information:

1. Company profile and history, including a summary of relevant experience.
2. Detailed list of services offered within the maritime industry.
3. Evidence of past project successes, including project descriptions, timelines, and outcomes.
4. A summary of skilled workforce, their technical capabilities, and experience.
5. Proven financial stability to handle large projects.
6. Any additional relevant documents or certifications.

Deadline for Submission:

Final date to submit all EOI responses and any inquiries is **April 11, 2025 before 10:00 a.m.**

All should be directed to: tender@arubaports.com. Subject/reference of email:

Reconstruction of Slope at Port O'stad

Submissions received after said deadline will not be considered.

Next Steps:

Upon reviewing the submissions, APA will shortlist potential contractors and reserves the right to invite them for further discussions and tender submissions based on the information provided in the EOI.

We look forward to receiving your submission and potentially collaborating on this exciting project.

Sincerely,

ARUBA PORTS AUTHORITY N.V.

April 2025



**ARUBA PORTS
AUTHORITY NV**

ORANJESTAD + BARCADERA

HOH ta sigui inverti den conocemento di colega cu bista riba futuro

Indra Poulina y Denise Lacle ta gradua como sedacionista



ORANJESTAD (AAN): Recientemente Amstel Academie di Amsterdam UMC na Hulanda a tene e graduacion oficial pe profesionalnan cu a caba nan estudio specialisa di 'Sedatie Praktijk Specialist' (SPS). Un funcion unico y nobo pa Aruba y hasta pa Caribe Hulandes, cu excepcion di Boneiro. Un momento special unda cu dos anesthesiemedewerker di Horacio Oduber Hospital (HOH), Indra Poulina y Denise Lacle a logra specialisa y awo a bira sedacionista. Den un sala na HOH Academy hunto cu famia, diferente colega y management coleganan Denise y Indra a gradua den forma digital hunto cu otro alumnonan na Hulanda. Un momento di alegria cu a sigui despues cu un bunita celebracion.

Sedacionista ta..

Graduado Denise Lacle ta conta: "Como anesthesie medewerker bo ta traha den e sala di operacion, semper cu e anesthesiologo pero como un sedacionista bo por duna sedacion sin tin mester di

e anesthesiologo presente." E proceso ta inicia na momento cu un especialista ta rekeri sedacion pa un pashent y ta haci peticion pa esaki cerca un sedacionista. E ora ta screen e pashent y sigui e protocolnan y preparacion pa duna sedacion. Pues, e especialista awo por amplia e dunamento di servicio medico na pashent den HOH door di e posibilidad nobo aki. Y den futuro kizas te hasta esaki por sosode na e policlinica di especialista mes.

Necesidad

E anesthesiologonan a ripara cu na HOH tin un necesidad pa haci mas procedura cu ta rekeri sedacion. Despues cu a papia cu e specialistanan nan a trece e idea pa dilanti pa bin cu un "sedatie praktijk specialist", esta sedacionista, y asina hunto cu e departamento di recurso humano a inicia e proceso y a saca un vacatura. Indra Poulina ta splica cu "Tur "anesthesie medewerker" diploma por a solicita pa haci e specialisacion y asina ami cu mi colega Denise a solicita y a wordo scogi pa haci e spe-



cialisacion aki cu a dura un total di 1 aña.

Experiencia

Indra cu Denise a sigui e parti di teoria digitalmente hunto cu e alumnonan di Hulanda y e parti di practica nan por a haci aki na Aruba mes guia pa sedacionistanan diploma di Hulanda. Mirando cu e ta algo nobo na Aruba nan a logra core stage pa un siman na Boneiro caminda nan por a aplica sedacion na pashent di gastroenterologia. Tambe nan a bay Hulanda pa un luna caminda nan por a haci e practica cerca diferente pashent di tur tipo di specialisacion pa asina haya mas experiencia prome cu bolbe Aruba y duna sedacion riba nan mes. "E tabata un aña duro, di hopi trabou, pero tambe un tremendo experiencia", Indra a conta cu un sonrisa. Nos ta gradici nos coleganan, management, famia y tur cu a yuda y pusha nos di un of otro manera pa nos logra nos meta.

Inverti den educacion pa empleadonan ta un di e pilarnan grandi cu ta aporta na e meta pa eleva calidad di cuidu cu ta na beneficio di tur nos pashentnan. Hunta di Directiva ta orguyoso di Denise y Indra y ta contento cu'n otro paso mas den loka ta mehora servicio y calidad di cuidu medico pa Aruba henter. Masha pabien Denise y Indra cu e bunita logro aki!



MAESTRO BENJAMIN

Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar,

- E ta kita bruheria, hechizos, daños y tambe e ta dera maldicion y salamientos.
- E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamiento pabo cu lo curabo den un tempo cortico. "Mi ta cura problema di addiction di droga y alcohol y mi ta recupera bo ser keri sin importa tempo of e distancia."

No sufri mas den silencio pa tur problema tin un solucion y pa tur enfermedad tin un sanacion. Trabao ta

100% garantisa y den un poco tempo. Yama awe mes of manda un WhatsApp na 641-4186 pa traha bo afspraak.

cel/ 641-4186

Ministerio Publico ta splica pakico e pago halto aki

Ex-Ministro a obtene ilegalmente e 840 mil danki na soborno y malversacion



A	Kasopstelling na verrekening bovenstaande posten	
	Beginsaldo contant geld	Afl. 454,75
+/+	Legale contante ontvangsten inclusief bankopnamen	Afl. 831.386,56
-/-	Eindsaldo contant geld	Afl. 700,00
	Beschikbaar voor het doen van uitgaven	Afl. 831.141,31
-/-	Werkelijk contante uitgaven inclusief bankstortingen	Afl. 1.654.003,95
	Verschil	Afl. -822.862,64
	Wederrechtelijk verkregen voordeel	Afl. 822.862,64
B	Transactieberekening na verrekening	
	LA Ornamental	Afl. 14.400,00
	Fantastic Garden	Afl. 25.201,64
	Vectra Gym	Afl. 19.897,20
	Overige giften [Betrokkene 2]	Afl. 7.669,19
	Betaling reis door FCB voor [Betrokkene 3]	Afl. 11.375,50
	Totaal	Afl. 78.543,53
	Totale wederrechtelijk verkregen voordeel (A+B)	AWG 901.406,17

WEEKEND DI ENFASIS DEN SALUD

BO ESTILO DI BIDA
TA BO *Salud*

Paola Nurillo
Medico General

ORADORNAN
FOR DI COSTA RICA:

Josué Trejos
Professor Educativo

4 APRIL 2025

7:15 pm

Enfermedadnan Cronico
No-Transmisibel:
Prevencion y Tratamiento:
Definicion y Factornan
di Riesgo

5 APRIL 2025

4:00 pm

Enfermedadnan Cronico
No-Transmisibel:
Prevencion y Tratamiento

6 APRIL 2025

6:00 am
Caminata

9:30 am
Expo di Salud

LOCALIDAD: MFA NA NOORD

ORANJESTAD (AAN): Corte di Prome Instancia a tuma decision den e caso contra ex-Ministro Benny Sevinger, unda a dicidi cu e tin di bay paga pais Aruba e suma di 840 mil pico Florin.

Placa cu el a haya ilegalmente pa su propio beneficio, y esaki ta bin debi cu el a haya e suma halto aki for di delitonan penal, e.o. soborno y malversacion.

Tabata dia 12 di Juli 2024 cu Corte Comun di Husticia a trata e caso di apelacion di ex-Ministro den e Caso Avestruz aki, y a dune un castigo parcialmente condicional di 48 luna di prison, ademas a perde derecho di fungi un posicion oficial den gobierno.

Ex-Ministro a dicidi hiba e caso pa Casacion na Hulanda. Ainda no ta conoci pa ki tempo e sentencia di Casacion lo wordo duna.

Pero ley ta ofrece e posibilidad, pa mientras bo ta sperando e sentencia di Casacion, cu por tuma un decision caba riba placa cu a wordo obteni ilegalmente danki na e delitonan cometi. Y esey ta loke a socede riba Diahuebs mainta cu e sentencia di Hues.

BOPEL TECHNICAL SERVICES NV

Tin vacatura pa lo siguiente:

- Magazijn Bediende**
Por ehempel;
 - Atende cliente.
 - Prepara materialnan pa cliente y pa trahadornan.
 - Pone materialnan na lugar ora di ricibi carga.
 - Por handel cu un forklift y tin rijbewijs di truck ta un plus.
- Elektricien**
 - Storingen.
 - Projecto.
- Plaatwerker**

MESTER TIN RIJBEWIJS VALIDO

Por pasa solicita personalmente na nos oficina situa na Kas Paloma # 70, di Dialuna pa Diabierna entre 7:00am – 12:00pm y 1:00pm – 4:00pm.
Tel. 5833030

Columna **E**

Sembrado



Diabierna4april. Di cuatersiman di Cuaresmaaña 2025.CicloC.
Caminda di Cruz

Calendario Liturgico
Lectura: Sabiduria2, 1.12-22;
Salmo: 34;
Evangelio:Huan 7, 1-2. 10. 25-30;

”Bosoconoce Mi ysa di undaMi ta bini.Mi no a biniriba mi mescuenta”.
Huan 7, 28

Iglesia a nace di e experencia di resureccion di Hesucristo y di binimen-
to di Spirito Santo na un grupo di homber y muhenan selecta pa Hesus
y cu a descubri cu Hesusefectivamente ta Cristo, Yiu di Dios, tambe ta
un Diosmisionero. E misioncompletonos ta wak den e bida y accion di
Cristo.A forma comunidadnan, pues a consolidana un luga pa mantene den
e Catolicismo di e Iglesia. Un comunion di iglesianan”Koinonia”, guia pa
Santisima Trinidad yapostelnancu imagen di Pedro (2Pedro). Awendia den
man di obisponan (Tito 1, 7-11; 1 Tim. 3, 1-7) fielmenteden pleno accion.
Tur epoca tin sumomentonandificil pa motibo di persecucionnan y toch e
cristiannan, tabata y ta un fuente di inspiracion y renobacion. E Mision cu
FE Cristian a kedaexpandepartiendoCurpa y Sanger di Cristo hunto cu e
”BonNoticia” dilanti.

Oracion:E Spirito di Dios ta riba Mi, p’esey E la scogeMi, pa anuncia e
bon noticianapobernan. Mi mesteranunciafielmentee era di Señorsugracia.
Isaias 61,1 Amen.
Grupo Centro Pastoral

> **SUDOKU** <

Conceptis **Sudoku** By Dave Green

		9	1			5	4	
	6				2			1
5					9			2
7					6			9
1	9	4				7	3	6
3			9					4
8			5					7
9			6				1	
	4	2			7	8		

Difficulty Level ★★★

5/04

HARI UN TIKI

Un yiu ta bisa su mama “Mama e shampoo a caba?”
“ Bon mi yiu bo por uza dimi?”
“Mi no por”
“Dicon?”
“Pasobra e ta poni cu ta pa cabey seco, y ami a muha mi cabey caba?”

BUSCA PALABRA

CUESTIONARIO

J	F	P	O	H	J	Z	N	I	T	C	N	B	A	S	Q	I	G	H	T
S	H	W	X	T	O	X	B	Q	Y	O	O	X	C	C	V	G	W	F	T
W	A	A	Q	M	O	G	K	Z	I	D	J	J	V	I	C	U	D	R	R
L	L	L	M	U	G	O	A	C	Q	I	A	O	E	R	E	E	U	A	S
G	Y	L	U	C	J	N	A	R	C	G	Y	T	S	Y	M	O	S	P	O
S	K	H	M	K	J	C	Q	A	N	O	N	G	P	O	R	N	N	O	L
E	S	T	A	D	I	S	T	I	C	A	M	J	D	U	I	I	R	F	M
T	Y	X	G	N	J	U	Q	I	T	P	N	P	T	Q	R	L	Y	Q	C
G	S	E	U	G	Y	L	Y	R	D	A	D	U	O	U	T	U	A	U	P
C	S	M	J	D	X	C	O	I	B	R	F	W	T	S	U	O	Q	V	V
Q	O	V	T	X	B	P	S	T	N	T	D	D	N	N	I	L	S	W	R
C	X	X	R	D	M	P	S	U	C	A	W	C	K	J	X	C	M	W	M
M	E	U	S	I	O	W	B	F	M	M	W	P	H	V	M	I	I	C	R
F	X	F	V	N	L	I	U	W	G	E	M	V	R	I	I	K	A	O	G
R	V	Y	I	A	S	R	E	Y	N	N	A	E	Y	V	T	C	O	K	N
L	Y	B	G	Z	E	S	L	J	G	T	C	V	F	I	I	Q	N	R	C
X	E	H	Z	W	C	S	Y	L	G	O	X	U	A	E	M	I	O	F	K
L	S	V	P	C	O	V	Y	D	R	K	Q	T	C	N	R	J	I	J	B
E	C	Z	W	L	H	N	C	D	O	W	J	I	S	D	E	X	C	X	C
U	T	Y	K	Z	H	K	A	L	V	W	K	J	J	A	P	W	A	A	Y
Q	G	N	J	N	F	T	J	G	G	H	K	P	X	K	R	B	R	G	O
D	G	Y	E	U	M	D	R	N	S	P	M	Y	E	B	M	A	E	F	S
V	O	I	O	M	X	Q	I	C	V	G	G	A	D	H	S	G	P	Q	K
P	E	U	T	Q	E	D	Y	J	S	H	H	D	F	O	P	B	O	I	Y
A	T	S	I	V	E	R	T	N	E	A	C	T	U	A	L	N	C	K	E
Y	B	N	U	K	F	T	B	N	E	C	E	S	A	R	I	O	I	M	Z
N	O	F	E	L	E	T	K	I	U	B	N	H	V	A	Q	I	U	D	L
K	A	E	L	P	N	Z	M	J	L	R	D	L	N	L	Q	V	T	O	Z
V	A	H	J	H	X	A	G	L	D	O	D	K	P	J	N	G	K	C	E
E	I	M	S	X	M	J	H	M	B	D	S	C	P	F	P	N	K	V	Y

- ACCESO
- ACTUAL
- APARTAMENTO
- CODIGO
- COMPOSICION
- COMUNICACION
- COPERACION
- DISPONIBEL
- ENTREVISTA
- ESTADISTICA
- FUTURO
- HOGARNAN
- IMPORTANTE
- LIBREMENTE
- NECESARIO
- PERMITI
- RECORDA
- TELEFON
- VALIOSO
- VIVIENDA

Answer to previous puzzle

3	8	1	2	6	4	7	9	5
5	4	6	1	9	7	2	3	8
2	7	9	5	3	8	4	6	1
7	5	4	6	2	3	1	8	9
8	6	2	4	1	9	5	7	3
1	9	3	7	8	5	6	2	4
4	3	7	9	5	6	8	1	2
6	1	8	3	4	2	9	5	7
9	2	5	8	7	1	3	4	6

Difficulty Level ★★

5/03

le trekking 03 april 2025

UREN VAN UITBETALING:
CURAÇAO : 8.00 - 15.00 (maandag t/m vrijdag)
 Tel: 462-4088

ARUBA
Oranjestad : 8.00 - 12.00 en 13.30 - 16.30
 Tel: (002975) 824784

Alle prijzen zijn in euro's inclusief BTW.

Prof. Dr. A. V. Gulermino Tel. (011) 7511

Getuigen:

LEADERSHIP

www.landsloterii.org LANDSLOTTERII

01/2007/11/03	0010 0000, 0010 0000, 0010 1001
---------------	---------------------------------

Caso Avestruz ta encera acusacionnan grave

Ainda tin varios 'rikeza inexplicabel' cu Benny Sevinger ta dispone di dje

ORANJESTAD (AAN): Diahuebs mainta despues cu Corte den Prome Instancia a dicta sentencia den e caso di ontneming cu Ministerio Publico a cuminsa contra e sospechoso, ex-Ministro Benny Sevinger den investigacion Avestruz. Huez a bay de acuerdo e confiscacion di alrededor di 840.000 florin. Poco despues Ministerio Publico a duna nan comentario. Nan a splica cu anteriormente e ex-Ministro a

wordo condena pa Hof den apelacion, pa un castigo di prison di 48 luna, di cual 12 luna ta condicional cu un tempo di prueba di 3 año. Hues a dicidi ademas cu el a perde e derecho di participa na eleccionnan y e derecho pa ocupa cualquier cargo publico pa un periodo di 5 año di tempo. Relaciona cu e condena cu ex-Ministro Sevinger a haya, Ministerio Publico a entrega un peticion pa kita rond di

900.000 florin di e sospechoso. E mayoría di e suma aki ta consisti di rikeza inexplicable cu S. a dispone di dje. Otro parti ta trata di donacionnan cu S. supuestamente a ricibi directamente relaciona cu actonan castigable pa ley. E caso Avestruz ta encera acusacionnan grave contra e ministro de Infraestructura anterior y trece gran impacto social cu ne. Cu e ontneming aki e suma di 840.000 florin lo bolbe bek pa Pais Aruba.



Parlamentario Otmar Oduber Bida di e detenidonan na KIA y e personal ta core peligro

ORANJESTAD (AAN): Parlamentario Otmar Oduber durante reunion den Parlamento a divulga un rapport scondi y devastador cu ta papia di e situacion peligroso cu KIA ta den dje 'De Noodklok Luidt bij het Dienst Gevangenis Aruba en Correctie-instituut Aruba'.

E ta bisa cu formadornan sa di e rapport aki y cu e ta spera cu Minister di Husticia tambe sa di dje pasobra "Nos KIA ta un timebomb". No ta solamente e bida di e detenidonan, pero tambe e bida di e cuidadornan, di e trahadornan, ta na peligro henter dia, tur dia.

Oduber ta indica cu esaki ta momento di actua y no ta cuestion di culpa e gobierno cu a sali, pasobra e gobierno anterior tambe

tabata sa di dje y e tempo ey tabatga papia cu KIA mester wordo renoba of traha un nobo. "Tin 15-20 año caba cu ta papiando di un KIA cu tin 600 pa 700 hende den dje cu ta na peligro, cu bo no sa kico por pasa cu nan".

Pa e motibo aki Fraccion di PPA den Parlamento a presenta un amienda alocando 1 milyon pa KIA, urgiendo gobierno pa inicia training y programanan pa rehabilita e detenidonan y preparan pa reintegra den nos comunidad.

Esaki mientras cu ta busca un solucion, pa cual e fraccion oranje tambe a presenta un mocion y pa cual a pidi gobierno pa e año aki mes presenta e plannan pa un KIA nobo.



Faya Bo Haya 13 ta inclui mud race y careda den reverse

ORANJESTAD (AAN): Dentro di poco ta bay tuma lugar un biaha mas Faya Bo Haya y durante un conferencia di prensa a wordo splica cu e dia aki di show y careda ta un fundraiser pa yuda entre otro Jason Geerman sigui bataya na Merca cu nombenan grandi den mundo di careda. Geerman, doño di Destroyer 1 y Destroyer 2 mes a splica cu Diasabra awor pues ta bay tuma lugar Faya Bo Haya 13 na pista di Palo Marga. Despues di gradici tur e sponsornan, Geerman a splica cu e meta di e actividad ta pa haya fondo pa e sigui mantene su brommer na Aruba y esun na Merca, pa sigui participa na e competencianan. For di Diahuebs caba tabata e prome dia di e evento, esta e Car and Bike Show na Wen-



kee Bar and Restaurant, mientras cu Diasabra e porta na Palo Marga ta habri for di 14:30, unda cu 16:00 lo tin e prome y unico rond qualifiers pa loke ta e categorianan. "Manera ta e custumber lo tin un rond pa esnan cu a perde por drenta bek". Ta bay tin parkeo y parkeo VIP Diasabra. E categorianan cu lo mira accion Diasabra ta

Faya Bo Haya scooter, quadracer, junior dragster, cu tin bon premionan pa e ganadornan. Tambe lo tin Faya Bo Haya auto, bikes y mas, tur cu bunita premionan, segun Geerman. Algo cu sigur ta bay hala atencion ta e caredanan den lodo (mud race) y e caredanan den reverse, segun Geerman.



Diasabra awor tin Arte di Palabra na Cas di Cultura



ORANJESTAD (AAN): E Competencia Literario di Arte di Palabra (AdP) ta un evento cu un historia rico y un impacto profundo riba nos hubentud. E idea

a nace cerca señora Ange Jessurun, kende tabata consular di Papiamento pa formacion basico na 1999 na Curaçao.

For di e prome compe-

tencia na Curaçao pa klas 1 y 2 (año 2000) te na e expansion pa tur scol avansa, pa idioma y cultura a sigui florece. Aruba a uni na 2009, y desde e tem-

po ey Aruba ta firme den e mision di nutri e amor pa Papiamento y e arte di palabra na un manera creativo den nos hubentud na Aruba.

E Trayecto di AdP na Aruba, Departamento di Cultura (DCA), Grupo Corector di Papiamento, y Fundashon Lanta Papiamento (FLP) a lansa e prome edicion na 2009. Desde 2010 Grupo Corector di papiamento a bira Fundacion Corector di Papiamento y ta colabora cu DCA anualmente cu Arte di Palabra Aruba. Un momento historico ora AdP Aruba a cumpli 10 año participando den AdP ABC, ta tin e deseo di realisa AdP Interinsular na Aruba! Asina aki e Islanan ABC a bin na un acuerdo cu cada año AdP interinsular lo tuma lugar riba un di e islanan ABC.

E año aki ta e di 16 año consecutivo cu Arte di Palabra Aruba ta tene e competencia literario. Hoben

nan cu gana den nan categoria lo representa Aruba na e di 25 edicion di Arte di Palabra ABC cu lo tuma lugar fin di mei 2025.

Nos tin e honor di invita pueblo di Aruba pa bin forma parti di un atardi special, unda nos hoben talentosonan lo demostra nan creatividad y habilidad den e Competencia Literario di Arte di Palabra Aruba. Tin mas o menos 25 participante den diferente categoria cu lo briya cu poesia, storia y RAP existente y original. Participantenan ta cla pa lanta nan bos y capta nos curason cu palabranan poderoso.

Esaki ta Diasabra 5 di April 2025, for di 5:00 pm te cu 8:00 pm, na Cas di Cultura. Porta lo habri pa 4:30 pm caba, y entrada ta gratis.

Bin Apoya Nos Hubentud den e competencia Literario di Arte di Palabra Aruba 2025.



Curso basico di internet Basics for seniors (60+)

Lugar: Biblioteca nacional Aruba

Lo cuminsa: 14 april 2025

Horario: 10 or pa 12:15 mainta

Cupo limita!
inscribi via:

cursofepa@gmail.com

584-9797
562-2225

Por inscribi na oficina di fepa
tambe na Dakota Shopping
Paradise Lokaal 19

584-9787
562-2225
Cursofepa@gmail.com

Dakota Shopping Paradise lok-19



Casonan Penal pa wordo trata den Corte di Husticia na Aruba

Casonan di Diabierna 4 April 2025



Horario	Sospechoso	Acto Castigable
8:30 am	R.T.R. D.J.H-P.	Sospechoso femenino R. y sospechoso femenino H-P. ta wordo acusa di a viola ley di droga entre e fecha di dia 8 Augustus 2024 y 23 di Augustus 2024.
11:00 am	J.F.P.	Sospechoso P. ta wordo acusa di intento di homicidio riba 17 di October 2024.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diabierna 4 April 2025

den Sala di Corte di Husticia na Aruba. E informacion aki a wordo suministra door di Ministerio Publico.



RESULTADO DI SORTEONAN PA CORTESIA DI CADENA ALEXANDER

Diahuebs 3 April 2025

 DIARIO	 KORSOU	SUPER 	 CATOCHI		 ZODIAC
9288	6248	5902	MERDIA	ANOCHI	M
2919	6606	 SUPER 5	0307	3160	A
2018	1379	XXXXX	7423	4129	
			6096	1610	SAGITARIO
 LOTTO DI DIA	08-13-17-23-27	 OFF	0295-9950	 BIG 4	M
			1206	A	2259
MULTI-X			MERDIA FP		
CATOCHI			ANOCHI X2		
MULTI-X			MERDIA X2		
BIG 4			ANOCHI X3		

LUCKY 3	MERDIA	641	MULTIPLIER X5	ANOCHI	452	MULTIPLIER X2	LUCKY 3
----------------	---------------	------------	----------------------	---------------	------------	----------------------	----------------

Capitan a tuma decision ultimo momento Biento Fuerte a stroba crusero AIDAbella di mara den waf di Aruba



ORANJESTAD (AAN): E barco crucero AIDAbella, di e linea di crucero AIDA tabata programa pa yega Aruba riba Diahuebs mainta 8:00 am, pa keda eynan te 6:00 pm.

Apesar cu a solicita un Tugboat pa yuda den e proceso di mara na Waf, toch e Capitan di e barco crucero no tabata confortabel cu e situacion di biento y lama.

No obstante e esfuersonan di APA y e agencia di e barco pa asisti e Capitan lo mas posibel pa asina toch e lo por dreña na un manera sigur. Sinembargo toch e Capitan a tuma e decision di cancela e bishita di e barco crucero pa Aruba.

Esaki sigur ta lamentable debi cu cancelacion di un barco crucero tin hopi consecuencia financiero pa APA

y tambe pa companianan cu ta ofrece tour y demas servicionan aki na Aruba, sin menciona tur e negoshinan cu ta beneficiado di e actividad economico di e industria aki.

APA sigur lo tuma contacto cu e compania di crucero pa dialoga den strategianan pa evita e tipo di situacionnan aki ripiti. Departamento Nautico di APA tin profesionalnan cu hopi experiencia y ta custuma cu condicionnan climatico cu tin actualmente na Aruba.

APA tambe a tuma nota di informacionnan incorrecto cu ta circula riba medianan social y ta enfatisa cu e decision pa a cancela e bishita di AIDAbella di Diahuebs mainta tabata un decision di e Capitan di e barco crucero mes.

PRIJS: 2 Florin ehemplar
ABONO: 40 Florin pa luna

EDITOR
Agencia Arubano di Noticia

FUNDADOR
† Josy M. Mansur

DIRECTORAN
Eduardo Mansur
Luis M. Mansur
Damilice Mansur

REDACTOR Coordinativo
Aureen Werleman

REDACTOR Ehecutivo
Nilton Laclé
Yorleny Oduber-Quesada
Tania Cunha

REDACTOR
Mercedes Abdul-Hamid
Giovanni Lane

REPORTERO
Hubert Tiel

AVISOS Y ARTE
Franklin Peña (Hefe)
Susy Maduro (Project Manager)
Miguel Garcia
Glenn Gonzaga
Robert Simoons

ADMINISTRACION
Freddy Barreto (hefe di personal)

RECEPCIONISTA
Vivian Maduro

LAYOUT
Alex Croes
Ricardo Jimenez

IMPRESION
William Quiceno
Raul Valencia

ADRES

DIARIO N.V.
www.diario.aw

Miembro di:
Sociedad Interamericana de Prensa

Email: noticia@diario.aw
Engelandstraat 29, Aruba.
P.O. Box 577, P.O. Box 695

Telefon: +(297) 582-6747
Whatsapp: +(297) 561-5325

ALMANAC

Bahada y salida di solo na Aruba

— 4 April 2025
Solo ta baha: 6:52 p.m.

— 5 April 2025
Solo ta sali: 6:34 a.m.

Tel: 583-1190

Lista di Crusero di bishita na Aruba

—Diabierna 4 Apr 2025:
Norwegian Pearl:
(10:00 - 22:00)

—Diasabra 5 Apr 2025:
Explorer of the Seas:
(16:30 until Sun 6th)

—Diadomingo 6 Apr 2025:
Resilient Lady:
(08:00 - 23:59)
Oceania Sirena:
(11:00 - 21:00)

EMERGENCIA NA ARUBA

Diabierna 4 April 2025

DOCTER NA WARD

SAN NICOLAS:
Pa San Nicolas, Docter lo ta na H.A.P. ImSan. Docter tey for di 6'or di anochi te 10'or di anochi.

ORANJESTAD:
Pa Oranjestad, Docter lo ta na Huisartsenpost na Hospital. Docter tey di 6:30 pm te cu 10:30 pm.

BOTICA NA WARD

PARIBA DI BRUG:
Botica San Lucas NV
Zeppenfeldtstraat 49
Telefon 584-5119

PABAO DI BRUG:
Botica Santa Cruz NV
Santa Cruz 54-A
Telefon 585-8028

e-CONTACT DIARIO

E-mail Redaccion:
noticia@diario.aw

E-mail Avisos:
aviso@diario.aw

E-mail Deporte:
deporte@diario.aw

E-mail Asunto Funeral:
morto@diario.aw

Loke Tempo ta Mostra....

• E sistema di presion halto riba Oceano Atlantico ta sigui genera forza di biento basta fuerte, di forma cu localmente e condicion di lama por ta bruto. Nubianan lo move den e area y kizas trece tiki awacero riba cierto parti di e isla.

• Biento lo ta suplando modera di pariba entre 20 y 39 km/h, cu rafaga te 61 km/h. Lama ta poco bruto cu ola entre 4 y 7 pia.

REGISTRO DI TEMPERATURA Y CUANTO AWACERO A YOBE ROND DI ARUBA

For di DIARANSON 8'or mainta te DIAHUEBS 8'or mainta:

- Temperatura registra na Aeropuerto, Aruba:
 - Maximo: 31° C. Yobida: 0.0 mm.
 - Minimo: 27° C.
- Temperatura registra na Westpunt, Aruba:
 - Maximo: 31° C. Yobida: 0.0 mm.
 - Minimo: 27° C.
- Temperatura registra na Santa Rosa, Aruba:
 - Maximo: 31° C. Yobida: 0.0 mm.
 - Minimo: 27° C.

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via FB Messenger, E-mail, USB Drive, CD-ROM, DVD-ROM), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs. Bo mester enfatisa di antemano, si acaso bo no kier pa bo number worde menciona como remitente!

(Atencion: Ora cu bo no kier pone bo number bao di un remitido, anto automaticamente den e texto bo NO POR menciona number di hende of entidad).

Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion.

Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na 'noticia@diario.aw'

Contents ©2025 Matutino DIARIO

COPYRIGHT: Nada den DIARIO mag di worde copia sin permiso di Agencia Arubano di Noticia.

DEPORTE INTERNACIONAL

Dodgers cu mihor comienzo di temporada desde 1981



LOS ANGELES: Ora cu e momento ta grandi Los Angeles Dodgers sa cu nan por conta riba Shohei Ohtani y esey a sosode exactamente Diaranzon anochi.

Cu e score 5-5 y 1 out den di 9 inning, Ohtani a bati un homerun pa Dodgers laga Atlanta Braves den tereno cu e score di 6-5.

Atlanta tabata tin un ventaha di 5-0, pero Los Angeles a bin bek pa empata e wega, pa despues Ohtani gana esaki pa nan.

Dodgers awor tin un record perfecto di 8-0, mientras cu Atlanta aindaa no a gana un wega y tin un

record di 0-7.

Errornan di tercera base Max Muncy a yuda Braves anota trempan, pero Muncy mes a bati un hit pa impulsa e prome dos caredanan di Dodgers.

Tommy Edman tambe a contribui pa Los Angeles cu un homerun.

Michael Conforto tambe a yuda Dodgers cu 2 hit incluyendo un homerun.

Mihor bateador pa Braves tabata Nick Allen cu 2 hit den 4 turno, mientras cu Ozzie Albies tabata tin 2 hit den 5 turno.

Maxey muy probablemente lo perde resto di temporada cu lesion di dede

PHILADELPHIA: Guard di Philadelphia 76ers Tyrese Maxey ta wordo verwacht di perde resto di temporada debi na un lesion serio na su dede, segun Shams Charania di ESPN.

E hungador di 24 aña ya caba a perde ultimo luna debi na e lesion.

E asina yama Most Improved Player di aña pasa, e temporada aki tin un average di 26.3 punto, 6.1 asistencia, 3.3 rebounds y 1.8 steals pa wega, den e



52 weganan cu el a hunga.

Anteriormente caba a wordo indica cu Joel Embiid y Paul George ta pafo di accion pa resto di temporada.

NBA ta adverti Morant y Hield pa nan gestonan di arma di candela



MERCA: NBA a saca un advertencia contra Ja Morant di Memphis Grizzlies y Buddy Hield di Golden State Warriors, despues cu e dos hungadornan a haci gestonan cu nan dedenan, cu ta simbolisa un arma di candela, segun Shams Charania di ESPN.

Ningun di e dos hungadornan menciona a haya un multa.

E liga a adverti e dos clubnan tambe, indicando cu e celebracion di e hungadornan ta inapropia.

E incidente a tuma lugar durante un paro di e wega casi na final di e wega cu Warriors a gana, ora cu Morant a haci un gesto na caminda pa e banki di Grizzlies.

Hield a responde na un manera similar y ambos hungador a ricibi un falta tecnico.

Morant a wordo suspendi dos biha durante e temporada di 2022-2023, pa mustra un arma di candela riba social media.

Barnes y Paul a yuda Spurs gana Nuggets cu tabata sin Jokic y Murray



DENVER: Diaranzon anochi Denver Nuggets tabata sin nan dos streanan grandi Nikola Jokic y Jamal Murray y esey tabata visible den e resultado di e wega contra San Antonio Spurs.

Spurs tambe tabata sin nan dos streanan grandi Victor Wembanyama y De'Aaron Fox, pero asina mes nan a logra gana e wega 113-106.

Harrison Barnes tabata maximo anotador pa San Antonio cu 20 punto y 8 rebounds, mientras cu Chris Paul a contribui cu 17 punto, 5 rebounds y 8 asistencia.

Di otro banda e maximo anotador pa Denver tabata Russel Westbrook cu 30 punto, 11 rebounds y 6 asistencia, mientras cu Hunter Tyson a termina cu 18 punto y 6 rebounds.

DEPORTE INTERNACIONAL

Conmocion na Inglatera pa hecho cu referee no a duna carchi cora despues di tackle horroso riba hungador di Liverpool



INGLATERA: Liverpool a yega un tiki mas cerca di e titulo di Premier League, ora cu nan a gana Everton 1-0.

Despues di e wega e combersacionnan no tabata bay mucho riba e triunfo, sino riba e tackle horroso cu hungador di Everton James Tarkowski a haci riba hungador di Liverpool, Alexis Mac Allister.

Sorprendentemente e hungador Ingles no a ricibi un carchi cora pa e falta cu el a comete.

E hungador di defensa a dal e bala si cu su pia, pero despues di esaki su pianan a dal fuertemente riba e pianan di Mac Allister.

Esaki a sosode despues di apenas 10 minuut di wega.

Mirando cu e pianan di Tarkowski tabata full straight pa dilanti, e por a kibra e pianan di su contrin-cante.

Normalmente pa e tipo di falta aki ta duna cora di inmediato.

Referee Sam Barrott a duna Tarkowski apenas un carchi geel, cu VAR aparentemente tabata di acuerdo cune.

Liverpool a keda sorprendi y furioso cu e decision di e referee y siguiente dia ainda hopi hende tabata papiando di esaki.

Phillies a gana Rockies 3-1



PHILADELPHIA: Diahuebs atardi trempa Philadelphia Phillies trempa na diferente ocasion a faya pa anota, pero na final nan a gana e wega contra Colorado Rockies 3-1.

Den ultimo inning Rockies a me-

naza ainda cu base yen y apenas 1 out, pero e pitcher di relevo riba monticulo pa Philadelphia a logra paga e candela net na ora.

Cu e triunfo aki Phillies tin un record di 5-1, mientras cu Colorado ta net pa robez cu un record di 1-5.

E mihor bateador pa Philadelphia tabata Bryce Harper cu 2 hit den 4 turno, mientras cu Kyle Schwarber a contribui cu 2 hit, incluyendo un homerun.

Di otro banda e mihor bateador pa Rockies tabata Kyle Farmer cu 1 hit den 1 turno.

Ningun bateador di Colorado a bati mas cu 1 hit.

Fanaticonan di club Aleman Sankt Pauli a cumpra e stadion



ALEMANIA: Stadion Millern-tor, cas pa e club di Bundesliga di Alemania FC Sankt-Pauli, for di awor ta propiedad di fanaticonan di e club.

Un grupo di 21.000 fanatico a dicidi di cumpra e stadion, pa yuda e club cu tabata den problemanan financiero.

En total e fanaticonan a paga alrededor di 27 miyon euro pa bira propietario di e stadion y awor nan lo cobra e club huur pa hunga ey-den.

Sankt Pauli tabata buscando placa pa paga cierto pretamonan cu nan tabata tin, pa sigura continuidad di e club y pa optimalisa e infraestructura.

E club no kier a drenta un acuerdo cu companianan di bet of di crypto.

En total a bende accionnan di e stadion na un balor total di 27.000 euro y 21.000 fanatico cada un a cumpra un accion na balor di 850 euro.

Padres a firma un prolongacion di contrato cu Merrill di 9 año na balor di 135 miyon dollar



SAN DIEGO: San Diego Padres a percura pa wanta Jackson Merrill pa un tempo largo cu e club.

Padres y e hungador All Star di outfield di 21 año a bay di acuerdo pa firma un prolongacion di contrato di 9 año, na balor di 135 miyon dollar.

for the long run.

E club a anuncia Diaranzon cu e contrato nobo ta cum-inza na 2026 y ta inclui un opcion di club pa 2035.

E contrato tin un balor di 135 miyon dollar garantiza, pero e por yega 204 miyon dollar.

Den 156 wega año pasa pa Padres Merrill a caba cu 24 homerun, 90 careda impulsa y 16 base roba.

E temporada aki e strea hoben ta sigui riba un bon racha, cu un average di bateo di .400 y un promedio di yega base di .435 y ta lider di su ekipo cu 6 careda impulsa.



Noticianan for di Hulanda

Testigonan a bay yuda cu auto cu tabata na candela riba Dam



HULANDA: E vloer a tembla bao di su pianan, asina fuerte e explosion den un auto tabata Diahuebs atardi riba Dam na Amsterdam.

Esaki propietario di 't Nieuwe Kafé Jim de Jong a conta.

Despues el a wak cu tabata tin un di dos explosion den e auto.

De Jong a indica cu el a wak e chauffeur di auto bula for di e vehiculo.

Polis tabata pagando e candela,

ora cu tabata tin un di dos explosion.

Riba grabacionnan di personanan den e area por wak con e homber tabata na candela ora cu el a sali for di e auto.

Polis ta sospecha cu e homber a cende e candela intencionalmente, pa tuma su propio bida.

Ta trata di un homber blanco di 1 meter 80.

Gabinete kier yuda companianan cu nan cuentanan halto di energia



Un subsidio pa fabrican cu ta gasta hopi coriente, muy probablemente lo wordo prolonga, segun corant AD.

E extra gasto controversial riba CO2 ta keda por lo pronto.

AD a duna di conoce cu nan fuentenan a indica cu e gabinete ta trahando riba un areg-

HULANDA: Despues di gritonan di emergencia di companianan grandi, gabinete Hulandes ta trahando riba extra ayudo pa e industria.

lo di sosten, cu e prolongacion di e subsidio di energia como un parti importante.

A tira webo y vuurwerk na Best durante anochi di informacion riba centro pa buscador di asilo



BEST: E anochi di informacion Diaranzon anochi roba yegada di un centro pa buscador di asilo na Best, a wordo para prome cu tempo.

Un grupo grandi di persona problematico no a wordo permiti di drenta y pesey nan a cuminsa bati riba e portanan y a tira webo riba e lugar.

E personanan problematico a busca un confrontacion cu polis.

Despues di e disturbio polis a detene un persona cu tabata tira

vuurwerk.

Alcalde interino Rianne Donders-De Leest alrededor di 20:30 a anuncia cu e situacion pafó di e compleho deportivo a sali asina for di man y cu violencia a wordo uza y cu pesey el a dicidi di para e anochi di informacion.

E asina yama colegio di Best kier establece un centro pa buscador di asilo pa 5 aña na Hooiweg.

E intencion ta pa 192 buscador di asilo keda den e centro.

Candela grandi den naturalesa na Ede causa pa training di Defensa



EDE: Den parti noord di Ede tabata tin un candela grandi Diahuebs.

Habitantenan cu ta cerca di e candela cu tabata den un area di naturalesa, a wordo evacua for di nan cas.

E candela tabata plama hopi lihe y te cu Diahuebs atardi ainda brandweer no a controla esaki.

Causa di e candela ta cerca De-

fensa.

Durante un training di ehercito Hulandes, cos a bay completamente robez, e municipio a meld. No tin mucho hende ta biba den e area, pero esnan cu ta biba cerca a wordo evacua for di nan cas como precaucion.

Un asina yama helicopter di transporte Chinook a wordo uza pa yuda combati e candela.

Prensa a keda impresiona cu terminal nobo di Check-In

E sistema avanza pa maleta na Aeropuerto ta un factor clave di Gateway 2030

• Diamars awor e prome aerolineanan pa use ta Delta, United, y Southwest



ORANJESTAD (AAN): E siman aki, DIARIO hunto cu demas prensa tabata invitado pa un 'Site Inspection' di e Terminal nobo di USA Departures.

E tour aki a ofrece un bista paden di e sala di check-in di ultimo generacion y e sistema avanza di maneho di ekipahe, un factor clave di Fase 1A di e proyecto Gateway 2030.

E evento a inicia cu informacion y diferente presentacion riba e proyecto Gateway 2030 y e preparacionnan extenso pa e apertura di e terminal, duna pa Barbara Brown, Chief Revenue Development & Communications Officer; Gilbert Rafael, Chief Development & Technology Officer; y Marylou van der Linden, Operations Manager. Despues di esaki, Julian Chung, Project Executive, a dirigi un tour door di e sistema nobo di maneho di maleta, resaltando su caracteristicanan avanza diseña pa haci e experiencia di e pasahero uno mas eficiente.

Agenda di apertura: E apertura ta programa pa Diamars awor, dia 8 di April 2025, na momento cu Delta, United, Southwest y Spirit lo cuminsa cu su operacionnan den e sala nobo di check-in. E transicion completo, incluyendo jetBlue y

American Airlines, lo tuma luga dia 29 di april 2025, marcando un logro grandi den e esfuersonan di e modernisacion di e aeropuerto. Pa fin di luna di mei, tur pasahero cu ta bay Merca lo beneficia di e proceso di check-in simplifica, eliminando e necesidad pa piki of entrega e maletanan despues di screening di U.S. Customs and Border Protection (CBP) y e controlnan secundario di seguridad.

Mientras cu e transicion ta acercando, Aeropuerto di Aruba lo ta comunicando activamente cu e pasaheronan pa medio di diferente plataforma pa garantiza cu nan sa unda pa bay y kico nan por spera. Informacion detaya, incluyendo indicacion y actualisacion riba medianan social lo guia e biaheronan den e proceso nobo di check-in, garantizando un experiencia suave y sin stress.

Faltando apenas algun dia pa e apertura, Aeropuerto di Aruba ta finalizando cu e preparacionnan pa garantiza un transicion eficiente pa e aerolineanan como tambe pa e pasaheronan. E proyecto Gateway 2030 ta keda un testimonio di e vision cu aeropuerto tin pa ofrece un experiencia di biahe di clase mundial mientras ta mehora eficiencia y sostenibilidad.



SUPERCARD SUPER DEALS



**COMFORT
CLASS**

**Monday
Thursday**

8.00AWG

**Friday
Sunday**

9.00AWG

IMAX

10.00AWG

11.00AWG

VIP

11.00AWG

12.00AWG

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**


Prome grupo di Best Dad Ever pa aña 2025



ORANJESTAD (AAN):
'Mara mi tawata sa e im-
portancia di tey presente
y duna sosten na e mama
na momento di embarazo.
Ami tawata kere cu dies
duna cen ta suficiente ': U
tata cu a participa na Best
Dad Ever durante un ses-
sion. E prome grupo di
tata pa aña 2025 a partici-
pa na Best Dad Ever y a fi-
nalisa Best Dad Ever cu un
certificado. Best Dad Ever
ta un proyecto caminda cu,
durante 7 sesion tatanan y
futuro tatanan ta traha ari-

ba nan habilidadnan pa ta
un mihor tata di locual cu
nan ta caba. Best Dad Ever
ta stimula e participacion
di hende homber den edu-
cacion di nan yiunan. E ta-
tanan ta ricibi informacion,
conocemento y tips con
nan por ta mas involucra
den bida di nan yiu y pa-
kico esaki ta importante.

Estudio haci na Aru-
ba na 2012 a mostra cu e
relacion entre tata y yiu na
Aruba lo ta zwak. Esaki a
pone cu 131 Aruba a laga
haci un estudio mas pro-



fundo na aña 2016 pa asi-
na aki haya un mihor bista
di kico tatanan ta pensa
di nan rol den educacion
di nan yiunan. Un di e re-
sultadonan di e estudio ta
cu tatanan kier ta mas in-
volucra den educacion di
nan yiunan. Debi na esaki
131 Aruba a crea Best Dad
Ever na 2016 y a cuminsa
cu implementacion di Best
Dad Ever na 2017.

Algun temanan
cu ta ser trata durante e
sesionnan ta por ehempel:



impacto di un tata, planea
famia, duna cuida, violen-
cia etcetera etcetera. Algun
partner cu tambe tabatin
un rol importante durante
algun di e sesionnan ta
Famia Planea y partera

Stephanie Daal di Amare
Midwife. Best Dad
Ever por tuma lugar danki
na sosten di Futura, Setar
N.V, Web Aruba N.V., Aru-
ba Airport Authority N.V.
y The Salamander Group.

Noticia Internacional

President Trump a introduci invoerrecchten pa tur pais

Mercado di Balor a cay tur lugar despues di anuncio di Trump



WASHINGTON: Riba bargo ni 24 ora despues di esey, mercadonan di balor rond mundo a cay drasticamente.

E anuncio di Trump ta wordo mira como e motibo pakico esaki a socede. Fuera di esey, e inversionistaan ta mirando cu Merca awor ta aumentando e riesgo di crea un guerra econmico mundial, y uno di esnan cu mas ta wordo afecta ta Merca mes, cu ya tin un economia debil.

DOW Jones Industrial Index a cay mas cu 1.400 punto (mas di 3.3%), tambe S&P500 a cay cu 230 punto. Nasdaq a cay cu 5%.

Accion di compania manera Nike y Apple a cay cu 13% y 9% respectivamente. NVidia a cay cu 7%, y Tesla a cay cu 5%.

E impuestonan nobo di Trump lo dreña na vigor riba Diasabra cu ta fecha 5 di April 2025.

Un Go-Fast cu 1 ton di cocaina a wordo intercepta riba lama dilanti Cartagena



CARTAGENA: Autoridadnan hudicial na Colombia a duna un otro golpi duro contra gruponan narcotraficante. E biaha aki, Armada Nacional Colombiano a intercepta y confisca na final total di 1 ton di cocaina, na un distancia di 90 miya nautico di La Heroica. E droga tabata wordo transporta riba lama cu un speedboat tipo Go-Fast cu cinco persona abordo.

Ta Inteligencia Naval a detecta e boto moviendo riba lama, y mesora a laga un avion di Guardacosta lanta vuelo pa bay check. Nan a bin detecta enberdad un speedboat sospechoso moviendo. Asina a duna ubicacion, y Armada Colombiano a yega cerca, y asina a logra stop e speedboat. Abordo di e Go-Fast a bin haya 36 bulto cu total di 1.000 paki rectangular, cada uno marca cu un barbulet riba dje, cu ta representa un di e simbolonan usa pa cartelnan di narcotrafico pa identifica nan mercancia den e cadena di distribucion ilegal.

Nan a bin haya 25 bari di plastico cu 1.250



galon di combustibel, equipo di GPS y comunicacion. Cuatro di e tripulantenan tabata Colombiano, y uno ta di Honduras.

Riba caya e droga aki tin un balor di 48 milyon Dollar.

INTERNACIONAL

NOTICIA FOR DI COLOMBIA

CINCO HENDE DI MESUN FAMILIA MURI DEN TRUCK

MEDELLIN: Un accident di trafico cu a socede Diaranson marduga riba caminda La Pintada na parti Zuidwest di departamento di Antioquia, a laga un saldo di cinco hende morto, y un persona gravemente herida. Tur e victimanan ta di nacionalidad venezolano, y tabata moviendo ilegal como polizonte den un truck cu tabata transporta tubo y katrolnan di hero. Entre esnan cu a fayece tin dos menor di edad. Parce cu e movimiento di un di e katrolnan aki a pone cu el a cumenza move den e truck, y a cay

riba seis persona, matando cinco di nan. Te cu awor a identifica tres cadaver, esta Abigail Gutierrez di 22 aña, y su yiu muhe Fabiana Esquibel Gutierrez di 6 aña, y Genesis Esquibel Gutierrez di 3 aña. E di seis persona, parce di ta e tata di familia, a keda herida y a wordo hiba pa Hospital na municipio Caldas. Polis a indica cu e pensamiento ta cu e hendenan aki a dreña den e truck, na cierto lugar unda e chauffeur tin di reduci velocidad. Nan ta subi y bay sconde na forma prufia mey-mey di e rolnan cu tabata wanta cu waya di hero. Sinembargo ora cu e truck a cumenza cu subida, e wayanan di e katrol a los, y e rolnan pisa a bin cay riba 6 persona, plachando 5 di nan.

REEMPLAZANDO AVION ISRAELI PA ESNAN SUECO

BOGOTA: Gobierno di Colombia a dicidi cu nan ta bay reemplaza nan avionnan di combate Israeli, esta Kfir, cu avionnan tecnologicamente avanza pa defensa aereo di e marca Saab procedente di Suecia. E avion militar Saab JAS 39 Gripen, ta un avion liviano di un solo motor supersónico

describi como 'multirole fighter'. Consulado di Suecia hunto cu CEO di Saab Aerospace, esta Micael Johanson a reuni cu president Gustavo Petro di Colombia, kende a divulga cu nan lo busca algun avion pa fortalece e defensa aereo strategico di e pais. A firma tambe un MoU entre Reino di Suecia y Colombia, pa asina avanza e proyecto aki cu nan a describi como 'prioritario' pa seguridad nacional. President Petro di Colombia a "perde interes" den avionnan Israeli cu nan tin, desde cu Israel a cumenza invadi y ataca Franha di Gaza. Nan ta mirando cu e avionnan Saab JAS 39 Gripen aki awordo busca na Brasil y nan ta hopi satisfecho cu nan. No a duna informacion ainda, ta cuanto avion lo cumpra, y pa ki tempo e contract lo keda cla.

MUHE BASHA ACIDO MURIATICO RIBA NIETO

SINCELEJO: Un hoben di 23 aña a keda cu quemadura di prome y segundo grado, y mas herida na curpa, ora cu el a wordo ataca pa su wela durante un discusion. A resulta cu e muhe a basha acido muriatico riba e hoben, y a haya heridanano severo na su cara, na hopi parti di su cuero, quemadura di prome y segundo grado parti pafu di su oreja, banda di su nanishi, afecta e blanco di su wowo, parti na halto di su cash'i wowo banda drechi. Polis a aresta e muhe Aracely Luz Chavez Blanco di 59 aña di edad.



Noticia Internacional

Cu un embarazo sin problema

Muhe Aleman di 66 aña a caba di duna luz na su di diez yiu



BERLIN: Un muhe di 66 aña di edad na Alemania, a duna luz na su di diez yiu homber. Ta trata aki di Alexandra Hildebrandt, conoci di ta un di e fiel defensoran di Derechonan Humano y cu ta lidera, como directora, e Museo di Muraya di

Checkpoint Charlie. Tambe desde 2022 te cu awor, Alexandra ta brinda yudansa na victimanan di Ucrania afecta pa e guera cu Rusia. Hecho ta cu Alexandra ta original di Ucrania.

Su baby, yama Philip, a nace dia 26 di Maart banda di


9:48 pm, a midi 50 centimeter, y a pisa 3,3 kilo. Ora di nace, nan a hinke den un incubator pa apoya su halamento di rosea.

Director di Departamento di Obstetrica di Hospital Charité di Berlin, esta Wolfgang Henrich a declara cu su pashent tabatin un "Embarazo cu a cana normal sin complicacion. El a duna luz via operacion cesarea ora cu Alexandra tabatin 37 siman, y sin duda, su situacion fisico y forza mental a yuda cu e cirugia no a bira complica."

Alexandra tabata un artista na Ucrania, y originalmente a studia electronics na Kiev. El a yega Berlin na 1990 pa presenta su 120 pinturanan artistico na Museo di Muraya. Pa e tempo ey, Rainer Hildebrandt tabata director di e Museo, y e no a djis cumpra un cuadro di Alexandra, pero el a enamora di dje y na 1995 nan a casa. Pero di e matrimonio aki nan no a haya yiu, y na 2004 despues di morto di Rainer na su 90 aña, Alexandra a dedica su tempo completo na e museo. Pa yude cu administracion, Daniel Dormann, diputado di Partido Union Democratico Cristian (CDU) na Berlin, a colabora cune, y asina añanan a pasa y nan relacion laboral a expande y amor a florece.

Ora e tabatin 53 aña, ya Alexandra tabatin siete yiu cu Daniel, y tur di nan el a haya via cesarea. Pero prome cu Alexandra a conoce Reiner y Daniel, el a haya yiu muhe Svetlana cu awor tin 45 aña y ta Docter, y tambe Artjom di 36 aña kende ta aworaki diplomatico y investigador di conflicto.

Jean Claude van Damme bao investigacion pa traficacion humano na Rumania



BRUSELAS: E actor di Belgica y especialista den artenan marcial, Jean Claude van Damme, ta wordo investiga na Rumania pa su posibel envolvimento den un caso di traficacion humano cu a socede eynan.

E caso mes a socede como 10 aña pasa na Cannes (Francia), ora cu e artista tabata mantene relacion sexual cu menornan di edad, di cual tabata conoci cu e muchanan aki tabata victima di traficacion humano.

Esey ta loke abogado di un di e victimanan, Adrian Cuculis a declara. E defensor legal a sigura cu e cinco mucha muheran di 16 aña a wordo hiba como un 'regalo'

pa e actor door di e grupo di traficantenan lidera pa Morel Bolea.

Encuanto su clientenan, e abogado a splica cu e tempo ey "nan tabata den un estado di vulnerabilidad, cu e sospecho cu nan ta wordo explota".

E nomber di Jean Claude van Damme, cu e tempo ey tabatin 54 aña di edad, a bin dilanti ora cu e investigacion tabata andando, y un testigo cu a mira kico tabata wordo haci cu e menornan di edad, a menciona su nomber.

Esaki a pone cu Departamento di Investigacion di Crimen Organiza y Terrorismo (DIICOT) na Rumania a habri un investigacion contra dje.

NOTICIA FOR DI VENEZUELA

DETENI PA KIMA MAN DI SU YIU MUHE RIBA STOOF

MARACAIBO: E muhe Rosmary Varela Barrientos di 48 aña di edad, a wordo aresta despues di a kima e man



di su yiu muhe di siete aña, lagando multiple herida di quemadura, y esaki ta un otro caso di maltrato infantil cu a laga comunidad di Lagunillas na estado Zulia den shock. E muhe a keda deteni Dialuna atardi ora cu e mama ta bayendo scol pa busca su yiu na parokia Paraute di municipio Lagunillas. Esey despues cu

cabezante di scol a informa Polis di e heridanan cu e mucha tin na su man. A haya sa cu Rosmary a pone e man robez di e mucha muhe riba un stoof cendi den cushina, causando e quemaduranan. Un team di Docter na Hospital a constata cu e mucha tin herida y quemadura tambe ricibi den pasado na su brazu y pianan. E ta wordo acusa di e delito di trato cruel contra mucha.

HOMBER A LOCK CASA YIUNAN PA 1 AÑA DEN CAS

CARACAS: E homber Raul Oviedo Pereira Osorio di 45 aña di edad, kende a mantene su casa di 32 aña, y su yiu-



nan di 6 y 9 aña cera na lock paden di cas durante un aña, a wordo deteni door di funcionarionan di Cicpc, na Los Magallanes de Catia, na sector Isaias Medina Angarita na Caracas. E denuncia a wordo entrega door di e casa mes. E homber aki a mantene nan cera durante un aña largo, na un cas situa na

Caricuao, y tabata agredi nan constantemente sea verbal y fisicamente cu varios obheto, e.o. un pida palo, menazando nan cu morto si nan sali di e lugar. Tur esaki a start debi na problemanan di pareha. Investigacion haci door di Polis ta muestra cu e muhe a logra huy di e lugar hunto cu su yiu, y a haci esey cu yudansa di un bisiaña. Polis a haya y confisca e pida palo cu e tabata menaza nan cune. Pa awor Ministerio Publico su seccion di Defensa di Muhe, tin e caso bao investigacion.

TA TRUMP TA DECLARANDO GUERA COMERCIAL

CARACAS: E siman aki Ministro di Interior, Diosdado Cabello a papia di e tarifanan cu president Donald Trump



di Merca a impone riba tur pais di mundo. "Awe Trump a declara guerra comercial contra mundo cu loke ta yama tarifanan reciproco, e incertidumbre genera pa su declaracionnan cu anuncianan eratico ya a pone hende perde confianza den economia". Tambe Cabello a papia riba e licencianan petrolero cu a wordo anuncia pa Gobierno Mericano, expresando cu "e caso di licencia ta bay mas leu di negoshi petrolero, pasobra awor nan kier pa tur hende sufri."

EXPORTACION PETROLERO A CAY CU 11,5%

MARACAIBO: Den luna di Maart, e exportacion di petroleo crudo y combustibel di Venezuela, a cay cu 11,5% debi na medica di tarifa secundario emiti pa Washington, y cancelamento di licencianan clave pa opera den sector di energia sanciona door di Merca. Y esey pone retraso y suspension di transporte di petroleo.

Awe nochi den Club Caiquetio ta bay tuma lugar Fire 2 The Ring



ORANJESTAD(AAN): Awe ta bay tuma lugar un evento yama Fire 2 The Ring, unda cu diferente kickboxer ta bay enfrenta otro.

Ricardo Illidge di WKA durante un conferencia di prensa ta splica cu ta bay ta di 14 edicion di Fire 2 The Ring, unda cu e meta ta pa guia e talentonan hoben no di Aruba so, sino tambe di Boneiro, Corsow, Panama, St. Maarten, Colombia y Mexico.

“WKA ta trahando cu alrededor di 100 pais y nos meta

ta pa scoge algun di atleta pa competi na Juni na Panama, pa e Pan American World Championship”, segun Illidge.

El a splica cu lo ta tremendo si por scoge uno di Aruba, Corsow, Boneiro, Panama, Colombia y St. Maarten pa participa na e campeonato mundial.

Durante e anochi cu tab bay tuma lugar na Club Caiquetio, ta bay tin tambe un show di modelo.



Nos tur ta uni y canta Happy Birthday pa SARA. E ta haya felicitacion di parti di tata Dimas, su mama Josmaris, y tambe hopi pabien di su ruman Deborah. Felicitacion di demas famia, y tur ta desea tur cos bon pa Sara.

Cas traha principalmente di palo a kima completo na Tanki Leendert



ORANJESTAD (AAN): E informe a drenta Diaranson anochi indicando cu tin un cas na candela na Tanki Leendert. Despues yamadan ta indica cu nan no ta mira e doño pafo, pues kizas el a keda paden.

Polis tambe a bay eynan, hunto cu Bombero di Tanki Flip.

Nan a yega y haya e cas na candela cu vlamnan grandi ta sali. E cas ta traha di palo, y Bomberonan a usa tactica pa bay den e Cas, y busca forma pa check si e ciudadano masculino por ta paden.

Despues di rato e doño a yega di inicial B., kende a keda hopi desanima pa mira con su cas y tur pertenencia ta bayendo perdi.

E cas gran parti ta consisti di palo, y biento fuerte a causa cu esaki a expande

rapidamente. Bomberonan a ataca e candela di dos banda.

Huma si a causa hopi molestia pa e habitantenan di e casnan pabao.

ROCOCO PLAZA
MEGA FLEAMARKET
SUNDAY 6 April
Mercado Seminal tur
Diasabra INFO 741-5640
Antiekshop habri tur dia
8-2 Diasabra 8-1 y e
Prome djadomingo 9-1

GRANDIOSO VLOOIJENMARKT
DIADOMINGO: 06 APRIL 2025
ORA: 09.00 - 12.00'OR
LUGAR: IMELDAHOF
 Nos tin serbette, lakens, tas pa scol, materialnan pa scol, coi hunga, boeki, articulonan di cas, paña nobo pa tur edad.
NA PRIJS DI BACA FLACO!
Cushina ta bon surti cu SOPH CARNI y COMCOMBER CHIKITO
STOBA CU PAN BATO DI MAISHI RABO.
NOS TA WARDABO SIN FALTA!

Oracion pa awe:

Señor tira nos picanan cu nos a confesa, mes leu cu pariba ta di pabao y anima nos pa keda busca bo amor cada dia di nobo. Hesus den Bo mi ta confia!



AMEN.
G.C.P.A

Pa chica Pos - Habri tubería y wc. Servicio lihe y confiable.

Experiencia ta manda

CICLONE
 Septic Tank Service

Tel: 564-0607 / 734-0607

CONSTRUCCION REMODELACION

Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construcccion di cas y apto bon prijs. Free quotation.
Tel: 561-2137

TIRA SUSHI / CHAPI VERF / PLUMBING

Nos ta haci tur sorto di chapi y verf cas, edificio y school. Nos ta tira sushi Ecotech, y haci plumbing.
Tel/Whatsapp: 561-1397

TA CHAPI

Corta mata.

Ta tira sushi afo. Nos ta hardineria completo na super bon prijs.
Tel: 569-8003

HERO BIEU

Auto bieu den cura?

Nos ta pikje pornada. Frigidaire, wasmachine, dryer, stoof, aircó, bateria. Yama 561-4297 of 561-5179. Arubiano balente.

TA HUUR

Savaneta Aprt., 1 camber, baño, cushina, coriente pre-pago.
 Afl.775,- p.l. + borg un luna.
 Mensahe 566-0099
 Whatsapp.

AIRCO REPAIR SERVICE

Cooler + icemaker, dryer, wasmachine, refrigerator, stove + forno, wk freezer, wk cooler, tur sorto di aircó.
 Tel: 747-7987 + 749-4232 anytime.

TA BUSCA

un persona serio pa hasi trabao di cas 2 x pa siman.
 Yama: 740-1151 of message.

TA BENDE

muebels y cosnan di cas na Pos Chiquito.
Tel: 561-7384

TA BENDE

Washmachine semi automatic y un lona pa tapa auto.
Tel: 593-9420.

DIARIO

Pa noticia, cumpleaños, comentario, redaccion:
noticia@diario.aw

Tel: 582-6747

Rotary Club ta expresa danki grandi na tur esnan cu a haci Fiesta Rotaria grandi

ORANJESTAD (AAN): E siman aki, Rotary Club of Aruba kier expresa su mas profundo gradicimento na tur cu a haci posibel e exito di Fiesta Rotaria 2025 diadomingo ultimo na parkinglot di Stadion Guillermo Prospero Trinidad.

Un biaha mas, e evento tabata yena di energia, alegria, entretenimento y un bon spirito comunitario, treciendo

hunto persona di tur edad pa disfruta di un dia special.

Ademas di ofrece un experiencia inolvidabel cu dushi cuminda, musica y actividad, Fiesta Rotaria 2025 a yuda recauda fondo pa proyectonan comunitario importante cu lo beneficia Aruba den transcurso di e aña nos dilanti.

Un di e momentonan mas spera ta, sin duda, e gran rifa di Fiesta Rotaria, cu premio-

nan espectacular pa tur ganado. Danki na tur cu a participa pa nan contribucion y pabien na tur cu a resulta ganado.

Resultado di e Rifa: E resultado oficial ta como lo siguiente.

KIA Seltos 2025 – Ticket #03701. Pasashi ida y buelta Aruba-Amsterdam-Aruba (KLM) – Ticket #06518. Apple iPhone 16, 128 GB (Boolchand's) – Ticket #13098.



Premio di Afl. 1500,- Certificado di regalo (Kooyman)

– Ticket #01508. Premio di Afl. 1500,- Certificado di regalo (Boolchand's) – Ticket #14576. Premio di Afl. 1000,- Certificado di regalo (Ling & Sons) – Ticket #09323. Premio di Afl. 1000,- Certificado di regalo (AMC Unicon) – Ticket #03461.

Premio di Estadia di fin di siman pa 2 persona (Divi Resort Aruba) – Ticket #00662. Premio di Estadia di fin di siman pa 2 persona (Casa del Mar) – Ticket #15622. Premio di Afl. 500,- Certificado di regalo (De Wit & Van Dorp) – Ticket #13230. Premio di Cadena y hanger di Maison Ryon - Ticket #13181.

Premio di Afl. 500,- Certificado di Regalo di Lucky Store – Ticket #02250. Premio di Afl. 250,- Certificado di Regalo di Wine & Dine – Ticket #05503.

E seis ganadornan di Afl. 500 Cash – Ticketnan: #10169, #05043, #07373, #11139, #14609 y #09912.

Rotary Club of Aruba kier duna su mas sincero gradicimento na tur patrocinado, cu nan apoyo generoso a haci e evento aki posibel. Di mesun forma un danki special na tur miembro di Rotary Club of Aruba, Interact Clubs di De Schakel College, Colegio Arubano y International School of Aruba, Rotaract Club of Aruba, boluntarionan, cu nan esfuerso y dedicacion tabata esencial. Naturalmente tambe na cada persona cu a asisti na Fiesta Rotaria, cu a cumpra, come, bebe y disfruta. Nos ta sumamente gradici. Danki na boso sosten, Rotary Club of Aruba lo sigui cu su mision di sirbi comunidad y genera un impacto positivo.

Nos ta topa proximo aña pa otro edicion espectacular di Fiesta Rotaria! Danki Aruba.

Aurora
Royal Pray
Funeral Home & Crematory


Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

“Ik heb van het leven genoten, maar mijn reis is ten einde.”

Wij danken de Heer voor al de jaren die hij hem geschonken heeft.

“Zoals de hemelen hoger zijn dan de aarde, zo zijn mijn wegen hoger dan uwe wegen en mijn gedachten dan uw gedachten”. *Jesaja 55:9*

Met diep leedwezen maken wij het overlijden bekend van onze dierbare vader, grootvader, overgrootvader, broer, en oom:



André Arnoud Herts

***30 januari 1946 – †30 maart 2025**

Names zijn kinderen:

Henry André Herts, “Boyke” en echtgenoot José en familie Andrea Herts

Ex vrouw en moeder van zijn kinderen:

Norma Gumbs

Kleinkinderen:

Samuel Herts en echtgenoot Tjalls en familie Nikki Herts

Achterkleinkind:

Liva Herts

Broers en Zussen:

Louise Todd – Herts en echtgenoot Ramon en familie

Yvonne Herts en familie

Olga Herts

Wilma Herts en familie

Franklin Herts en familie

Maria Herts en familie

Iwan “Honey” Herts en echtgenote Carlota en familie

Gerdientje Woods-Herts en echtgenoot Christopher en familie Hetty Herts

Neven en nichten.

Familieleden: Herts, Rijgersberg, Çelik, Doelwijt, Telting, Helder, Hooghart, van Engel, Blackman, Smit, Todd, Vrutaal, Woods, Woodley, Gumbs, Romney, Leissius, Cornes, Oedit, Wellington-Blackman, Hooghart-Nicolina, Cyril/August Lou, Starke, van Varseveld.

Buren van Pos Chiquito en Dakota en vrienden van Asia Sranang, Mangel Halto, Palmita.

Er is gelegenheid om persoonlijk afscheid van André te nemen, op maandag 7 april, 2025, van 2pm tot 4pm in Aurora Funeral Home te Cumana #76. De crematie vindt in besloten kring plaats.

Onze welgemeende excuses als wij in ons verdriet vergeten zijn familieleden of vrienden te noemen. Helaas kunnen wij na de uitvaartdienst geen condoleances meer in ontvangst nemen.



*16.02.1930 — †28.03.2025

Cu inmenso tristesa nos ta anuncia fayecimento di kerida wela di Dr. K. Croes.

Bernardina Kelly

LK+CROES
Huisartsenpraktijk

SUPER FOOD

“Señor dunami e serenidad pa accepta e cosnan cu mi no por cambia y sabiduria pa sa e diferencia”

Pa medio di esaki nos ta extende nos palabranan di condolencia na nos colega Po Kwong Fan (Leo) cu e perdida di su querido tata.

Sr. Shui Lam Fan

***26-01-1945 – †11-02-2025**

Po Kwong Fan (Leo) y demas famia, cu Dios duna boso tur forsa.

Cu Sr. Shui Lam Fan sosega na paz.

AT AMC UNICON, WE'VE GOT YOU!

NEED A NEW VEIWING EXPERIENCE?



SAVE AWG 430



SAMSUNG 85" QLED

NOW AWG3569
WAS AWG3999

SAVE AWG 230



TCL UHD 4K Google Smart

75"
AWG1369
WAS AWG1599

SAVE AWG 160



TCL QLED Google 4K Smart

55"
AWG839
WAS AWG999

SAVE AWG 100



WESTINGHOUSE HD 4K Smart

50"
AWG449
WAS AWG549

SAVE AWG 100



LG UHD 4K Smart

43"
AWG649
WAS AWG749




569-2407 AMC EAGLE MEGASTORE
568-9070 AMC SAN NICOLAAS
HORARIO: 9am - 6pm DIALUNA PA DIASABRA


Game Night Girls ta recauda Afl. 8.000, pa FAVI



ORANJESTAD (AAN): Game Night Girls, un grupo di dama cu banda di nan gamenights regularmente y de bes en cuando tambe ta organisa Game-night grandi, a logra un meta tremendo cu nan quiz creativo. Un di e tareanan cu e lider di e quiz a traha, tabata pa cada persona recauda fondo pa un bon causa na Aruba. Nan a scohe pa duna apoyo na FAVI, e fundacion pa personanan

ciego y cu bista limita, cu ta den proceso pa recauda fondo pa un proyecto di masashi cu lo cuminsa den Juni benidero. Nan meta tabata pa recauda Afl. 8.000,00 pa por financia e proyecto, y nan a logra e meta aki! E persona cu a logra recauda e cantidad mas halto tabata gana mas punto na Gamenight, pero e obhetivo tabata hopi mas grandi cu solamente gana un competencia.

Cu hopi creatividad, e damanan a organisa diferente actividad pa por recauda e fondo aki. Den total nan a logra recauda Afl. 5.143,15. Entre otro, nan a organisa un torneo di beach tennis, un Blind Tasting den un restaurant local, un sorteo pa un weekend stay gratuito, jufrounnan a colecta cu nan estudiante y nan a tene un rifa cu premio espectacular. Pero e esfuerso aki no a keda aki. Varios empresa tabata inspira y entusiasmo pa e iniciativa, y nan a dindi di haci un donacion tambe, aumentando e total di donacion na Afl. 8.000,-

Durante e presentacion di e donacion, tabata presente Cetty Baarh (directora di FAVI), Sary Wernet (terapista di revalidacion) y Dani Boekhoudt (un cliente ciego). Via di un presentacion di video, nan por a mira con e Game Night Girls a trece



nan ideanan na bida, cu hopi placer y esfuerso. E tabata un momento hopi special y emocional. No solamente e cantidad final tabata impresionante, pero tambe e impacto cu e actividad tabatin ariba e damanan tabata hopi valioso. Nan a realiza cu nan por realmente haci un diferencia den bida di otro hende, algo cu ta mas importante cu cualkier suma di placa.

FAVI ta enormemente gradici pa e donacion

maraviyoso aki. E cantidad recolecta ta un parti importante di e proyecto.

Tin mas donadornan, incluyendo apoyo for di Hulanda, pa asina e proyecto por keda realiza completamente. E iniciativa aki ta duna personanan ciego y cu bista limita un oportunidad unico pa siña y disfruta di masashi, ricibi un diploma reconoci y hasta habri porta pa mas oportunidad di trabou den futuro